

## Domisde de ritiro

En sabeda, ai 21 de ma a Bornech tla dljia di capuzineri y en domènia, ai 22 de ma tla dljia a Oies, dagnëra dales 15.00 ales 17.00, vëgnel tignì n domisdé cun adoraziun eucaristica, S. Mëssa, poscibilité da se confessé y benedisciun cun Br. Gabriel Hüger. Düc é dër bel invia a tó pert!

## Biblioteca Sas dla Crusc

La biblioteca Sas dla Crusc inviëia en lönesc, ai 9 de ma dales 15:00 a "l'ora dles stories", lí dant a mituns y mitans dai 6 cina 10 agn tl biblioteca a La Ila.

## Zënter di consumadusc - Defensuria zivica

**Camper dl Zënter Consumadusc, a La Ila** sön Plaza dla Ciasa de Cultura, n vëndres ai 13 de mà, dales 9:30 – 11:30. Ciafëis consëis sön l'energia, sön les assicuraziuns, sön les banches, sön i prisc, paiamënt dla televijiun, cunc dla telecom. Al vëgn ince musuré la cualité dl handy y di udlà da sorëdl.

**Udiënza dla defensuria zivica** Dr. Gabriele Morandell o de süa vize Dr. Verena Crazzolarà, n vëndres ai 13 de ma dales 14.30 – 16.00, a **San Martin te Ciasa de Comun**. Info: tel 0471 301155; [www.volksanwaltschaft.bz.it](http://www.volksanwaltschaft.bz.it)

## Referat

Pubertät – der ganz normale Wahnsin, ai 11/05/2016, dales 20.00, a Badia, Ciasa J.B. Rancher Referënta: Christa Ladurner, Soziologin, Forum Prävention BZ. La referënta jará ite sön tröpes tematiche liades ala puberté, sciöche p. ej. le liam gonot destanzié nanter geniturs y mituns, contac cun amisc, mudaziun dl corp, formaziun dla personalité. La referënta dará consëis pratics por afronté cun serenité chësta eté particulara.

**L'edema che vëgn röia adarlerch Siur Gustl a daidé fora. Siur Gustl sará a desposiziun te colonia.**

## ORARS DLES SANTES MËSSES A OIES

**I orars dles S. Mësses a Oies é da ma inant: dal mertesc ala jöbia dales 20.00 y dal vëndres ala domènia dales 16.00.**

**Al vëgn lascé al savëi che i laurs dla cortina vá indo inant. I periun düc da avëi paziënza y conscidré che tres indô sarâl n toch o l'ater stlüt al publich. Giulan por osta comprenjiun.**



## Plata dla Ploania La Ila Santa Maria Assunta

Ploian: siur degan Iaco Willeit  
E-mail: [parrocchialavilla@rolmail.net](mailto:parrocchialavilla@rolmail.net)


Colonia La Ila: 0471/847058  
Radio de Ploania: 91,40 MhZ



Ann C

08.05 - 15.05.2016

Assënza de nosc Signur n. 24



## Dal vangelo secondo Giovanni

Gv 7,37-39

«Se Nell'ultimo giorno, il grande giorno della festa, Gesù, ritto in piedi, gridò: «Se qualcuno ha sete, venga a me, e beva chi crede in me. Come dice la Scrittura: dal suo grembo sgorgheranno fiumi di acqua viva».

Questo egli disse dello Spirito che avrebbero ricevuto i credenti in lui: infatti non vi era ancora lo Spirito, perché Gesù non era ancora stato glorificato.

Impressum: Ploania da La Ila; redaziun René Pescoll

Comunicaziuns cina la jöbia dales 12 a [parrocchialavilla@rolmail.net](mailto:parrocchialavilla@rolmail.net)

Download plata: [www.valbadiaonline.it/comunite/ploanies.html](http://www.valbadiaonline.it/comunite/ploanies.html)

# FUNZIUNS SACRES

- 08.09.16  
8.30  
20.00
- FESTA DL'ASSËNZA - FESTA DLA UMA**  
fam.<sup>es</sup> Otto, Patrik y Mirko Frenademez  
fam. Franz y Anna Crazzolarà  
def.<sup>a</sup> Bernardetta Agreiter, aniv.  
Corona de ma en onur de Santa Maria (Angel)
- 09.05.16 LÖNESCH  
18.00
- S. Isaia, profet**  
def. Pepele Rinna, aniv.  
def.<sup>a</sup> Carolina Pizzinini, aniv.  
def. Siur Christian Moroder  
def. Siur Heinrich Videsott
- 10.05.16 MERTESC  
20.00
- S. Damian**  
Adoraziun dan le Santiscim
- 11.05.16 MERCUI  
16.00  
18.00
- S. Fabio y compagns**  
Corona de ma en onur de Santa Maria  
vis y def. de Cleto y Loise Dorigo  
vis y def. de Maridl Frenademez  
def.<sup>a</sup> Annamaria Marcosano, Granruaz, aniv.  
def.<sup>i</sup> Francesca e Emiliano Mosna
- 12.05.16 JÖBIA  
18.00
- S. Pancratius**  
Corona de ma en onur de Santa Maria
- 13.05.16 VËNDRES  
7.25
- S. Sevatius**  
vis y def. de Erna Tirel  
vis y def. de Klara Huber  
vis y def. de Alma Flatscher  
def.<sup>c</sup> Milia y Tone Fistill
- 14.05.16 SABEDA  
18.00
- S. Bonifaze de Tarsus**  
int. di novic Susi y Lukas  
fam. Conrad y Loise Castlunger  
int. de Otto y Irene Moling  
def.<sup>c</sup> Hildegard y Pire Pescollderungg
- 15.05.16  
8.30  
20.00
- PASCA DE MA**  
Santa mëssa da festa ciantada  
vis y def. de Walter y Rosl Craffonara  
vis y def. de Erna Granruaz  
Corona de ma en onur de Santa Maria (Angel)



# VITA DLA CÛRA

## Les mius aodanzas



En lönesch, ai 9 de ma complësc **Alma Valentini** la bela eté de **81 agn**. A Alma cöga i va dlungia les mius aodanzas de sanité, ligrëza y benedisciun n gran giulan por le laur che ëla fej te calonia. Bel giulan Alma y döt, döt le bun.

## Ofize dla posta stlüt

A gaujia di laurs che vëgn fac pro la Cassa dl Sparagn a La lla vëgnel lascé alsavëi che l'**ofize dla posta** restará stlüt dai 6 de ma inant por n tëmp nia ciamó definí (por intant n mëis). Al resta inant a desposiziun i ofizi dla posta a Badia y a Corvara cun chisc orars: lön. - vën. dales 8.20 ales 13.45, sab. dales 8.20 ales 12.45.

## Uniu di omi

L'uniu di ëi dla Val Badia Kmb inviëia düc i ëi y i jogh a tó pert ala prozesciun cun linternes o ciandëres da se tò para **en vëindres, ai 13 de má dales 21.00**. An pëia ia da Porsenù (Plaza da parché Acquarena) y i jun pàra cina a Neustift (ca. en ora) olache al vëgn dit la S. Mëssa. Al vëgn organisè na coriera: **düc i interessá é perià da se anunzié pro le sorastant dl paisc o pro Salvester Vittur (cell. 333 7247516) cina en jöbia, ai 12 de mà 2016. Le bus da La lla pëia ia dales 19.00 dla plaza dan le Hotel Ladinia.**

## Seniorenclub

Le Seniorenclub inviëia düc i seniors a to pert ala jita d'aisciöda ai 12 de ma. Piu ia cun le bus dan le Hotel Ladinia dales 09.30 por jí a Spinges, olache al sará le canonicus Siur Ulrich Fistill che zelebreia la Santa Mëssa. Le cost é de Euro 38.00 (coriera y marëna). Präibel prenotësse pro Loise (telefonn 0471/847556) o pro la Loretta (telefonn 0471/847416)

## Sorvisc da mone

Do 10 agn de sorvisc lascia Paul da fá le mone por motifs personai.

Ad ël ti vá de cör le giulan de düc por so sorvisc fat cun ligrëza, lizitënza, savëi y n gran investimënt de so tëmp a bëgn de Chël Beldí y dla comunité.

**Da atira chiriunse valgügn che sorantol chësc sorvisc tan important por nosta dlijia y la comunité.**

Les persones interessades (an podess ince mëte sö n grup !) dess ti telefoné a Lois, presidënt dl Consëi de cöra, al nr. 339 6388484.

I periun les persones che á daidé Paul de resté ince tl dagní a desposiziun por laurs che é tres indô da fá incër dlijia. Paul dará ion ca sü consëis y al daidará tan inant ch'al é bun. Giulan a düc bele danfora!